



KENYATAAN MEDIA BERSAMA

**YAYASAN CANSOLOR UNIVERSITI KEBANGSAAN MALAYSIA (YCUKM)
JABATAN WAKAF, ZAKAT DAN HAJI (JAWHAR)
YAYASAN WAQAF MALAYSIA (YWM)**

INTERNATIONAL WAQF CONFERENCE 2024 (IWC24)

PEMERKASAAN WAKAF DALAM KEMAMPAKAN EKONOMI DAN PEMBANGUNAN ILMU

1. Yayasan Canselor Universiti Kebangsaan Malaysia (YCUKM) bersama Yayasan Waqaf Malaysia (YWM) dan Jabatan Wakaf, Zakat dan Haji (JAWHAR) telah bekerjasama mengadakan International Waqf Conference 2024 (IWC24) buat julung kalinya.
2. IWC24 bermatlamat mengumpulkan barisan pakar akademik, pemain industri, sektor kerajaan, swasta dan korporat khusus dalam bidang wakaf. IWC24 menjadi platform kepada pertukaran idea serta buah fikiran daripada kalangan peserta agar potensi instrumen wakaf dapat digembleng yang akhirnya akan menatijahkan pembangunan ekonomi yang lestari dan mampan.
3. YB Senator Dr. Zulkifli Hasan, Timbalan Menteri di Jabatan Perdana Menteri (Hal Ehwal Agama) telah hadir merasmikan majlis ini mewakili Menteri di Jabatan Perdana Menteri (Hal Ehwal Agama). Menurutnya, potensi dan peranan wakaf dalam pembangunan ekonomi sentiasa menjadi perhatian Kerajaan. Ini dapat dilihat melalui penubuhan JAWHAR dan YWM yang membantu menyediakan, menyelaras dasar-dasar seterusnya melaksanakan inisiatif Kerajaan yang melibatkan pemeraksanaan wakaf di peringkat Persekutuan dan Negeri.
4. IWC24 dilihat sebagai usaha yang strategik dan selari dengan inisiatif Wakaf Madani yang diperkenalkan oleh YAB Perdana Menteri pada 2023. Wakaf Madani menekankan kepentingan pemeraksanaan institusi kewangan Islam menerusi instrumen wakaf. Usaha ini perlulah dilaksanakan secara kolektif dan holistik. Beliau mengharapkan kerjasama erat antara semua pihak dalam memperkasakan wakaf ini berhasil dan akhirnya akan menjadikan wakaf sebagai sektor ketiga ekonomi negara.
5. Menurut YB Senator lagi, sebagai permulaan, YWM telah memulakan langkah ini melalui misi lawatan kerja ke Timur Tengah pada 18 – 29 April 2024 bersama wakil Majlis Agama Islam Negeri, institusi kewangan, wakil universiti dan pemain industri wakaf. Menerusi lawatan kerja ini, pelbagai potensi kolaborasi bersama penyumbang dana dapat diterokai yang akhirnya akan memperkasakan pembangunan wakaf di Malaysia.
6. Sementara itu, Timbalan Naib Canselor Hal Ehwal Jaringan Industri dan Masyarakat, UKM, Prof Dato' Ts Dr Norazah Mohd Nordin berkata kerjasama strategik antara Yayasan Canselor UKM dengan rakan industri untuk menjayakan persidangan akan dapat meneroka isu-isu penting berkaitan wakaf secara holistik.

7. Di samping itu, katanya melalui IWC24, semua peserta dapat mendalami potensi terutamanya dalam inovasi wakaf, dalam meningkatkan kesejahteraan masyarakat tempatan dan global. Ini dapat memberi manfaat kepada pelbagai masyarakat khususnya pelajar dan kakitangan UKM.
8. Beliau berkata inisiatif ini juga selaras dengan aspirasi UKM, yang bertujuan untuk memastikan setiap warga universiti dapat mewujudkan identiti nasional, komitmen dan semangat yang kukuh untuk menyumbang kepada pembangunan universiti, masyarakat dan negara secara keseluruhannya.
9. Persidangan ini turut memberikan pendedahan secara praktikal kepada para peserta menerusi lawatan ke projek-projek wakaf yang berjaya dilaksanakan antaranya Menara Ijarah Wakaf (Menara Bank Islam), Laman WATANI YWM Presint 20, Putrajaya dan Puteri Bay Hotel Melaka.
10. Seramai 100 peserta yang terdiri daripada ahli akademik, pemain industri kerajaan, swasta dan korporat dalam negara dan luar negara telah menyertai persidangan ini. Menerusi penganjuran ini diharapkan agar potensi wakaf dapat terus diteroka dan berkembang maju agar manfaatnya dapat dinikmati oleh semua.

- TAMAT -

Untuk sebarang maklumat lanjut, sila hubungi:

1. **Cik Asmahanim Amir**
Bahagian Hubungan Media dan Penerbitan Korporat
Pusat Komunikasi Korporat
Universiti Kebangsaan Malaysia
012-5617561 | asammar@ukm.edu.my
2. **Cik Haidatul Azia binti Husin**
Pengurus Bahagian Pemasaran dan Korporat
Yayasan Waqaf Malaysia
019-3883395 | azia@ywm.gov.my